



Աժ-ի «կանանց կազմը» 2/3-ով նորացել է

Նորընտիր Ազգային ժողովում ներկայացված 14 կին-պատգամավորներից երեքն իրավաբան են, երեքը կրթության բնագավառից են, երկուսը՝ մշակույթի ոլորտից, և երկուսը բիզնես ոլորտի ներկայացուցիչներ են, երկուսը լրագրող, մեկը՝ արևելագետ-դիվանագետ է և մեկը՝ մաթեմատիկոս-օրագրավորող: Իրականում, կրթությանը մաթեմատիկոսները երեքն են, ուղղակի նրանցից երկուսը հետագայում դարձրել տնօրեն են դարձել, իսկ մեկը՝ կուսակցական պետ:

Ի դեպ, ընտրություններին մասնակցած կին թեկնածուների թվում կրթության ոլորտի աշխատողները 33% էին կազմում, հաջորդ ժամանակավոր չափաորոշ թեկնածուներն էին՝ 15%, այնուհետև պետական պաշտոնյաները՝ 11%: Առաջադրված լրագրողները, իրավաբանները, մշակույթի գործիչները՝ յուրաքանչյուրը 2%-ով էին ներկայացված:

Կին թեկնածուներին տրամադրվեց մինչև 5 տոկոս հանրային եթեր



ԵԱՀԿ/ԺՅՄԻԳ-ի՝ լրատվամիջոցների դիտարկումն արձանագրել է, որ «Հ1»-ը ընտրությունների հետ կապված լրատվական հաղորդումների 4%-ը հատկացրել է կին թեկնածուներին և կուսակցությունների ներկայացուցիչներին, իսկ հանրային ռադիոն՝ 5%-ը: Սա, դիտորդների գնահատականներով, անհամեմատ ցածր է՝ հաշվի առնելով, որ զրանցված բոլոր թեկնածուների 21%-ը կանայք էին, և այն, որ Հայաստանի պետական թիրախը օրենսդիր մարմնում կանանց 30% ներկայացվածությունն է:

Ոչ ռեալ թեկնածուներ



Մեծամասնական ընտրակարգով առաջադրված 139 թեկնածուից 11-ը կին էին (մոտ 8%), որոնցից 2-ն անցել են խորհրդարան: Ճիշտ է, մեծամասնականով առաջադրված կանանց թիվը կրկնապատկվել էր մայրաքաղաքի ընտրությունների համեմատությամբ, բայց 41 ընտրատարածքներից 32-ը չունեին կին թեկնածու (78%): Ավելին, մեծամասնական կին թեկնածուներից 3-ը մայրաքաղաքի կենտրոնական քաղաքային ժամանակավոր ընտրության ծախսեր չէին հայտարարագրել, ինչը, ԵԱՀԿ/ԺՅՄԻԳ դիտորդների գնահատականով, կասկածի տակ է դնում նրանց թեկնածությունների իսկությունը:

# Երևո՞ւ քաղաքականությունը

Մարգարիտա  
Հակոբյան.  
«Գեներային  
հավասարությունը  
սկսվում է հենց  
Ազգային ժողովից»



Էջ 3

Անվճար հավելված

## Հատուկ թողարկում 2012



Հայոց խորհրդարանում յուրաքանչյուր 10 պատգամավորներից մեկն է կին, իսկ ողջ աշխարհում՝ յուրաքանչյուր 5 պատգամավորներից մեկը: Կանանց մասնակցության ամենացածր տոկոսն արաբական աշխարհի (14,9%) և խաղաղօվկիանոսյան (12,7%) երկրների խորհրդարաններում է: Հայաստանի Ազգային ժողովում կանանց ներկայացվածությունը 10,7% է:

## «Հաջորդ ընտրություններն սկսվում են նախորդի ավարտից անմիջապես հետո...»

Թեև այս չգրված կանոնը մեզանում այնքան էլ լավ չի աշխատում, բայց ճիշտ ժամանակն է խորհրդարանական ընտրությունների արդյունքները վերլուծելով՝ առնվազն մեկ հիմնական հարցի պատասխանը ստանալ՝ ինչ-չինչ չգործեց Ընտրական օրենսգրքում ամրագրված 20-տոկոսանոց քվոտան: Չէ՞ որ կուսակցությունների նախընտրական ցուցակներում միջինը շուրջ 23% կանայք էին ներկայացված, և հանրությունն իրավունք ուներ ակնկալելու, որ կանանց ներկայացվածությունն Ազգային ժողովում այդ քվոտայի շնորհիվ առնվազն կկրկնապատկվի:

Խոսքն այժմ փորձագետներինն է, որոնցից և սպասվում է այս հարցի պատասխանը: Իհարկե, որոշ պատճառներն ակնհայտ էին հանրության համար նույնիսկ անգն աչքով: Թերևս հիմնական պատճառը ընտրություններից անմիջապես հետո ի հայտ եկած ինքնաբացարկների շարանն էր:

Կենտրոնական ընտրական հանձնաժողովի տվյալներով՝ ընդհանուր թվով ինքնաբացարկի դիմում ներկայացրած 102 ընտրված թեկնածուներից 26-ը կանայք էին, այդ թվում 14 կին՝ ՀՀԿ ցուցակից և 10 կին՝ ԲՀԿ ցուցակից հրաժարվել են խորհրդարան մտնելուց՝ իրենց տեղը տղամարդկանց զիջելով:

Ինքնաբացարկների գործելաճը որպես այդպիսին բացասական է գնահատվել ԵԱՀԿ/ԺՅՄԻԳ դիտորդական առաքելության կողմից: Եվ, որպես փորձագետների դիտարկմամբ՝ «ինքնաբացարկ հայտնած ընտրված թեկնածուների մեծ թիվը մտահոգիչ է ընտրողների ընտրությունը հարգելու տեսանկյունից»:

տրնթաց էր 2007-ի ընտրությունների համեմատ, երբ կուսակցությունների ցուցակներում կանանց ընդգրկումը առաջին հնգյակում 4 անգամ ավելի էր, իսկ առաջին տասնյակում՝ ավելի քան 2 անգամ: Դրա հետ մեկտեղ, և՛ նախորդ, և՛ 2012-ի ընտրություններում այն կուսակցությունները, որոնք առավելագույնս էին ներկայացրել կանանց անցողիկ տեղերում, խորհրդարան չանցան:

Երկրորդ՝ կուսակցությունները, օրենքի պահանջը ապահովելու նպատակով, ընդգրկեցին իրենց ցուցակներում կանանց, որոնք իրականում դեռևս պատրաստ չէին օրենսդիր մարմնում աշխատելու, հետևաբար նրանք դիմեցին ինքնաբացարկի՝ զիջելով իրենց տեղը ուրիշներին: Նման թեկնածուները միջազգային պրակտիկայում «ոչ ռեալ թեկնածու» են որակվում:

Փորձագետների գնահատմամբ՝ ինքնաբացարկների մեխանիզմը հնարավոր էր կանխել, եթե Ընտրական օրենսգրքում ներառված լիներ կանանց ՀՀ-ների կողմից ժամանակին ներկայացված առաջարկը, որն ուղղված էր քվոտայի պահպանմանը մանդատից հրաժարվելու դեպքում, այն է՝ «մանդատից հրաժարվող կին թեկնածուին պետք է փոխարինի կուսակցության ընտրական ցուցակում հաջորդ կինը»:

Այսօր ընտրությունների ար-

դյունքների շուրջ տեղի ունեցած բոլոր քննարկումները փաստում են, որ անհրաժեշտ է ՀՀ ընտրական օրենսգրքում ներդնել այնպիսի մեխանիզմ, որը կկանխի կուսակցությունների կողմից գեներային քվոտայի խախտումը և թույլ չի տա, որ կանանց քվոտայով տեղեր զբաղեցնեն տղամարդիկ:

Ըստ արդեն իսկ հնչեցված առաջարկների՝ խնդիրը հնարավոր է կարգավորել՝ Ընտրական օրենսգրքում ամրագրելով երկու դրույթներից մեկը. կամ «մանդատից հրաժարված կնոջ տեղը պետք է զբաղեցնի ցուցակում ընդգրկված հաջորդ կինը», կամ էլ «կանայք պետք է կազմեն ոչ թե ընտրական ցուցակների, այլ մանդատ ստացածների որոշակի տոկոսը»: Ու այդ տոկոսը պետք է համապատասխանի ՀՀ գեներային քաղաքականության ռազմավարական ծրագրով (2011-2015 թթ.) նախատեսված ցուցանիշին, այն է՝ «Չեռնարկել հատուկ միջոցներ պահովելու կանանց 30% ներկայացվածությունն օրենսդիր և գործադիր իշխանության մարմինների որոշումների ընդունման մակարդակներում»...

Այնպես որ, զոնե այս առաջարկները միասնական ձևով պաշտպանելու և իրագործելու իմաստով և՛ կանանց ՀՀ-ների, և՛ կուսակցությունների համար հաջորդ ընտրությունները արդեն սկսվել են...

## Ուղերձ կուսակցություններին

«Կովկաս» հասարակագիտական հետազոտությունների կենտրոնը և Քաղաքացիական հասարակության համագործակցության ցանցը (ՔՀՀՑ, որը միավորում է «Օբսեդանթ»-ի գործընկեր 30 ՀՀ-ներ) ընտրություններից առաջ ստորագրահավաք էին կազմակերպել և ուղերձով դիմել կուսակցություններին՝ փորձելով կանխել ցուցակներում ընդգրկված կանանց հրաժարումը մանդատներից: Ուղերձում մասնավորապես ասվում էր.

«... Հաշվի առնելով ընտրություններից հետո տարբեր պատճառաբանություններով մանդատներից հրաժարվելու մի շարք կին գործիչների անցանկալի գործելակերպը մայրաքաղաքի ընտրություններում՝ մենք դիմում ենք 2012 թ. համամասնական

ների բոլոր անդամներին. Օրենքի պահանջն իրականացնելու նպատակով առաջնորդվելով գեներային արդարության սկզբունքով՝ հնարավորություն ընձեռելով, որ մանդատից հրաժարվող կնոջ տեղը զբաղեցնի ցուցակի մեջ ներգրավված հաջորդ կինը:

Հասարակության համար անընդունելի է մա, երբ մանդատից հրաժարումը կատարվում է կուսակցության հորդորով կամ խնդրանքով: Ուստի մենք դիմում ենք կուսակցությունների ղեկավարությանը.

Մի՛ առաջարկեք կուսակցության նախընտրական ցուցակներում ընդգրկված կանանց հրաժարվել իրենց մանդատներից, քանզի հասարակությունն ուզում է տեսնել իր կողմից ընտրված գործիչներին Ազգային ժողովում»:

\*\*\*  
Ընտրություններից անմիջապես առաջ և հետո պատրաստվել են նաև նույն բովանդակությամբ գովազդային հոլովակներ, որոնք հեռարձակվել են հեռուստատեսությամբ և ռադիոյով:



Փորձագետի կարծիք

Ինչո՞ւ են կանայք խուսափում քաղաքական պայքարից



«Ընտրապայքարից կանանց խուսափելու հիմնական խոչընդոտը այդ դաշտում քրեական տարրերի առկայությունն է, թեպետ դրանով չի սահմանափակվում դեպի քաղաքականություն կանանց մուտքը արգելակող պատճառների բավական պատկանելի ցանկը»,- ման տեսակետ հայտնեցին «Կովկաս» հասարակագիտական հետազոտությունների կենտրոնի փորձագետները «Օրսֆամ» կազմակերպության նախաձեռնությամբ կայացած «Կանանց մասնակցությունը 2012-ի ԱԺ ընտրություններում» թեմայով քննարկման ընթացքում:

«Կանանց կոնսոլիդացիայի պակաս կա հայ հասարակությունում»

Գնահատելով կանանց 34-ների և կին թեկնածուների համագործակցության կայացվածությունը՝ գեներային հարցերի փորձագետ Լիլիթ Ջաքարյանն առանձնացնում է մեխանիզմների բացակայության խնդիրը: - Կին թեկնածուներից ոմանք ընտրություններից հետո միայն հիշեցին կանանց 34-ների մասին՝ դժգոհություն հայտնելով, որ դրանք իրենց չեն օգնել ընտրապայքարում: Ըստ իս՝ խնդիրը երկուստեք է, դրա հետ մեկտեղ, նման աջակցություն ցուցաբերելու մեխանիզմներ մեզանում չկան: Գուցե կան առանձին հաջողված կամ չհաջողված օրինակներ, բայց մեխանիզմներ, որոնց շրջանակներում կանանց կազմակերպությունները, հավատարիմ մնալով 34 հատվածի՝ օրենքով ամրագրված առաքելությանը, կարողանային աջակցել կին պատգամավորության թեկնածուներին, դեռևս չկան:

Փորձագետը մատնանշեց ևս մեկ խնդիր՝ կանանց համախմբվածության պակասը հայ հասարակությունում: - Կանանց կոնսոլիդացիան շատ բույլ է, և դրանով է բացատրվում նաև այն, որ չնայած լրագրությունը ֆեմինիզացված մասնագիտություն է, բայց այս հարցում և կանանց 34-ները, և կին լրագրողները, և կուսակցությունների անդամ կանայք չեն կարողանում միմյանց հետ լրջորեն համագործակցել:

«Կան պետք է չսահմանենք քվտա, կան էլ մինչև վերջ տեր լինենք դրա ապահովմանը»

Այստեղ կան նաև իրավական որոշակի խոչընդոտներ, որոնց պատճառով ունենք կանանց ավելի քիչ ներկայացվածություն, նշեց 34-ներից մեկը: Ես սկզբունքորեն դեմ եմ քվտայի գաղափարին, իհարկե, նախընտրելի է ստեղծել միջավայր, որտեղ յուրաքանչյուրը, ըստ իր հնարավորությունների, կորստի իրեն, բայց ստեղծված իրավիճակը ստիպում է գնալ այդ քայլին՝ որպես ժամանակավոր միջոց սահմանելով գեներային քվտաները: Այո, սահմանված էր 20% քվտա՝ կանանց ներկայացվածությունը ԱԺ-ում ավելացնելու նպատակով, բայց այդ քվտան ապահովող ենթաօրենսդրական ակտեր չկային: Մասնավորապես, խոսքը վերաբերում է ռոտացիային, երբ կին պատգամավորը հրաժարվում է մանդատից, նրան փոխարինի ըստ ցուցակի հաջորդ կինը: Այս առաջարկով հանդես էին եկել նաև 34-ներից մեկը քաղաքացիական հասարակության կայացման, ժողովրդագրության և գեներային հարցերով զբաղվող համաժողովները, որը սակայն, ցավոք, չհասցավ: Եվ ինչպես նախորդ ընտրությունների ժամանակ, այս անգամ ևս 26 կանայք տարբեր պատճառներով հրաժարվեցին իրենց մանդատներից: Ես կարծում եմ, որ եթե որևէ բան ենք անում, ապա պետք է մինչև վերջ տեր լինենք օրենսդրական մեխանիզմների ապահովմանը:

«Ավելի նուրբ քարոզչական տեխնոլոգիաները կարող են բերել ավելի մեծ արդյունքի»...

«Կովկաս» կենտրոնի ղեկավար 30-ամյա Զոհրաբյանի քաղաքական հասարակության կայացման հարցերի համաժողովի նախագահ 30-ամյա Զոհրաբյանի ներկայացմամբ՝ նշված թեմայի ուսումնասիրությունը կենտրոնի համար որոշակի պատմություն ունի: Դեռևս 2010-ին անցկացրեցին սոցիոլոգիական հարցում հասարակական-քաղաքական մասնակցության գեներային ասպեկտների վերաբերյալ, ըստ որի բացահայտվեցին կանանց քաղաքական մասնակցությանը խոչընդոտող մի քանի խնդիրներ: Այդ նույն հարցադրումը, նրա խոսքով, ծագեց ներկայումս՝ խորհրդարանական ընտրություններում կանանց մասնակցությանը վերաբերող «Օրսֆամ»-ի հետազոտական ծրագրի շրջանակներում: Այս անգամ խոչընդոտող 14 գործոնները ներկայացրեցին ֆոկուս խմբերի մասնակիցների դատին՝ առաջարկելով գնահատել դրանք 10 բավանոց սանդղակով:

Այդ նույն հարցադրումը, նրա խոսքով, ծագեց ներկայումս՝ խորհրդարանական ընտրություններում կանանց մասնակցությանը վերաբերող «Օրսֆամ»-ի հետազոտական ծրագրի շրջանակներում: Այս անգամ խոչընդոտող 14 գործոնները ներկայացրեցին ֆոկուս խմբերի մասնակիցների դատին՝ առաջարկելով գնահատել դրանք 10 բավանոց սանդղակով:

Այստեղ կան նաև իրավական որոշակի խոչընդոտներ, որոնց պատճառով ունենք կանանց ավելի քիչ ներկայացվածություն, նշեց 34-ներից մեկը: Ես սկզբունքորեն դեմ եմ քվտայի գաղափարին, իհարկե, նախընտրելի է ստեղծել միջավայր, որտեղ յուրաքանչյուրը, ըստ իր հնարավորությունների, կորստի իրեն, բայց ստեղծված իրավիճակը ստիպում է գնալ այդ քայլին՝ որպես ժամանակավոր միջոց սահմանելով գեներային քվտաները: Այո, սահմանված էր 20% քվտա՝ կանանց ներկայացվածությունը ԱԺ-ում ավելացնելու նպատակով, բայց այդ քվտան ապահովող ենթաօրենսդրական ակտեր չկային: Մասնավորապես, խոսքը վերաբերում է ռոտացիային, երբ կին պատգամավորը հրաժարվում է մանդատից, նրան փոխարինի ըստ ցուցակի հաջորդ կինը: Այս առաջարկով հանդես էին եկել նաև 34-ներից մեկը քաղաքացիական հասարակության կայացման, ժողովրդագրության և գեներային հարցերով զբաղվող համաժողովները, որը սակայն, ցավոք, չհասցավ: Եվ ինչպես նախորդ ընտրությունների ժամանակ, այս անգամ ևս 26 կանայք տարբեր պատճառներով հրաժարվեցին իրենց մանդատներից: Ես կարծում եմ, որ եթե որևէ բան ենք անում, ապա պետք է մինչև վերջ տեր լինենք օրենսդրական մեխանիզմների ապահովմանը:

Փաստ
Կանայք կուսակցություններում և 34-ներում
Հայաստանում 34-ներն ավելի շատ են (շուրջ 3700), քան կուսակցությունները, չնայած դրան՝ 34-ներում ընդգրկված է մեր հայրենակիցների 5,2%-ը, իսկ կուսակցություններում՝ 10,7%-ը:
Դրա հետ մեկտեղ, 34-ներն ավելի ֆեմինիզացված են, քան կուսակցությունները. 34-ների շարքային անդամների թվում տղամարդիկ 30,3% են կազմում, կանայք մոտ երկու անգամ գերազանցում են: Բայց 34-ների ղեկավար կազմում տղամարդիկ 75% են, կանայք՝ 25%:
Կուսակցություններում տղամարդիկ կազմում են 53,4%, իսկ կանայք՝ 46,6%: Բայց ստորին ու միջին ղեկավար օղակներում տղամարդիկ 90,1% են, կանայք՝ 9%, իսկ բարձրագույն ղեկավար կազմում կանանց թիվը գրեթե զրոյական է՝ 1%-ի չի հասնում: Սա խոսում է նաև կուսակցությունների մեջ ժողովրդավարության պակասի և կանանց առաջնորդան մեխանիզմների բացակայության մասին, եզրակացնում է «Կովկաս» հետազոտությունների կենտրոնի ղեկավար 30-ամյա Զոհրաբյանը:

Գնահատական
Ինչպիսի՞ն էին կուսակցությունների նախընտրական ծրագրերը գեներային դիֆանկյունից
Այս հարցով դիմեցինք գեներային հարցերի փորձագետ Լիլիթ Ջաքարյանին, ով բոլոր գույնավորությունների Ազգային ժողովի ընթացքում հետևել է խնդրին և համեմատելու եղբեր ունի նախորդ՝ 2007-ի ընտրությունների կուսակցությունների նախընտրական ծրագրերի հետ:
- Դեռևս 2007-ի ընտրությունների ընթացքում Համալսարանական կրթությամբ կանանց ասոցիացիայի կողմից կատարված մոտ մեկ տասնյակ կուսակցությունների ծրագրերի ուսումնասիրությունից ի հայտ եկավ, որ կանանց օրակարգը դրանցում սահմանափակվում էր ընտանիքին և մայրությանը վերաբերող հարցերով: Նույն եզրահանգումը կարելի է անել նաև 2012-ի ընտրական ծրագրերը դիտարկելիս: Միայն «Միավորված հայեր» կուսակցության 2012-ի ծրագրում էր նախատեսվում «պետական և հասարակական-քաղաքական կառույցներում կնոջ դերի բարձրացում և կարևորագույն գործընթացներում նրա համակողմանի ընդգրկում»:
Համուն արդարության պետք է նշել, որ որոշ կուսակցությունների ծրագրերում խոսվում էր նաև կանանց իրավունքների պաշտպանության, աշխատանքային և կենցաղային պայմանների բարելավման ամրապնդման մասին, բայց կուսակցությունների մեծ մասում գեներային հավասարության խնդրի խորքային ըմբռնումը բացակայում էր:
Այդ տեսանկյունից շահեկանորեն տարբերվում էր 2007-ի 337 նախընտրական ծրագիրը, որի մեջ առանձին բաժին կար՝ «Կանանց և տղամարդկանց իրավահավասարությունը», որում խոսվում էր կանանց և տղամարդկանց հավասար իրավունքների և հավասար հնարավորությունների ձեռքբերման, խտրականության վերացման օրենսդրական երաշխիքների ամրապնդման մասին: Կարծում եմ՝ 337 մոտեցման վրա ես կանանց ազդեցություն էր ունեցել Սոցիալիստիկ դիրքորոշումը, որը, ցավոք, չարտահայտվեց ԱԺ-ում նրանց խմբակցության կազմում:
- Իսկ մի՞թե ողջունելի չէ, որ կուսակցությունները մտահոգվում են մայրության խնդիրներով:
- Իհարկե լավ է, որ կուսակցությունները կարծում են՝ կինը որպես մայր պետք է պաշտպանված լինի: Բայց հիմա ես հարց տամ. իսկ արդյո՞ք կինը պաշտպանված է որպես քաղաքացի, որպես մասնագետ, պրոֆեսիոնալ, արդյո՞ք պետք է օգնել կանանց՝ ընտանիք ու կարիերան համատեղելու հարցում:





Քվեարկենք հանուն փոփոխությունների

«Գենդերային հավասարությունը սկսվում է հենց Ազգային ժողովից»

- Գենդերային հավասարությունը սկսվում է հենց Ազգային ժողովում կանանց ներգրավվածությունից, չէ՞ որ այստեղ են մշակվում բոլոր այն օրենքները, որոնք վերաբերում են կանանց իրավահավասարությանը: Եվ եթե այն ԱԺ-ում է խախտվում, ապա ավելորդ է խոսել այլ կառույցների մասին»,- ասում է «Օքսֆամ» կազմակերպության հայաստանյան մասնաճյուղի տնօրեն Մարգարիտա Գալստյանը՝ ամփոփելով անցած խորհրդարանական ընտրություններում կանանց մասնակցությունն ընդլայնելու ուղղությամբ կազմակերպության և իր գործընկեր ԳԿ-ների՝ Քաղաքացիական հասարակության համագործակցության ցանցի և «Կովկաս» հասարակագիտական հետազոտությունների կենտրոնի հետ համատեղ իրականացված նախաձեռնությունները:

Կանանց մասնակցության բեմային անդրադարձն ամենևին էլ պատահական չէ «Օքսֆամ»-ի համար, որը Հայաստանում իր 18-ամյա գործունեության ընթացքում գյուղատնտեսության, առողջապահության և այլ ոլորտներում ծավալած բոլոր զարգացման ծրագրերի շրջանակներում առանձնահատուկ ուշադրություն է հատկացնում կանանց հավասար մասնակցության իրավունքի իրականացման խնդրին: Հավատարիմ մնալով իր հիմնական առաքելությանը՝ պայքարել աղքատության, անհավասարության և անարդարության դեմ, «Օքս-

ֆամ»-ը մշակում և իրականացնում է իր ծրագրերն այնպես, որ կանայք առավել մեծ դեր խաղան իրենց կյանքին վերաբերող որոշումների կայացմանը:

Ինչպես նշում է Մարգարիտա Գալստյանը, «կանայք մեր ծրագրերի սիրտն ու հոգին են», գենդերային հավասարությունը «Օքսֆամ»-ի ծրագրերի առանցքային մասն է կազմում, այն ինտեգրված է բոլոր առաջնահերթություններում՝ լինեն սոցիալական, տնտեսական թե քաղաքացիական իրավունքներին վերաբերող ծրագրեր:

«Երկրի զարգացման համատեքստում կարևորելով մասնակցային ժողովրդավարությունը՝ «Օքսֆամ»-ը միշտ ուշադրությամբ է հետևել տեղական ընտրական գործընթացներին, իսկ այս անգամ ժամանակի հրամայական ենք դիտարկել խորհրդարանական ընտրություններում կանանց առավել ակտիվ ներգրավումը», - նշում է տիկին Գալստյանը՝ ընդգծելով, որ այդ նպատակը ներառված էր նաև «Օքսֆամ»-ի գործընկեր շուրջ 30 հասարակական կազմակերպություններ համախմբող Քաղաքացիական հասարակության համագործակցության ցանցի բոլոր գործընկերներում:

Բացի այդ, «Կովկաս» կենտրոնի հետ համագործակցությամբ «Օքսֆամ»-ը նախաձեռնել էր «Կանանց ձայնը և մասնակցությունը 2012-ի խորհրդարանական ընտրություններում» հետազոտությունը, որի վերջնական արդյունքներն ու փորձագիտական զննահատկանքները շուտով կներկայացվեն հանրությանը:

Իմ քվեն ուժ է

Նախընտրական շրջանում Քաղաքացիական հասարակության համագործակցության ցանցի անդամ ԳԿ-ները բավական ուշադրով նախաձեռնություններով են հանդես եկել, ինչի մասին մեզ պատմեց ցանցի համակարգող Լիլիթ Չիբչյանը:

«Քվեարկենք հանուն փոփոխությունների» ծրագրի շրջանակներում Շիրակի, Վայոց ձորի, Սյունիքի մարզերում հետաքրքիր ուսուցողական քարոզարշավ էինք նախաձեռնել՝ համայնքի բնակչությանը ծանոթացնում էինք ընտրական գործընթացի կարևորագույն կետերին, հանդիպումներ էինք կազմակերպել տեղի պատգամավորության թեկնածուների հետ և նրանց փոխանցել խոստում-թերթիկներ, որոնք

պատրաստվել էին «Օքսֆամ»-ի գյուղատնտեսության և առողջապահության ծրագրային առաջնահերթությունների հիման վրա», - ասաց Լիլիթ Չիբչյանը՝ նշելով, որ իրենք հետևողական են լինելու, որպեսզի այդ խնդիրներն անպայման բարձրաձայնվեն ԱԺ-ում:

«Աժ առաջին նիստից սկսած մեր ցանցն իրականացնում է մոնիթորինգ, թե ինչպես են այդ խոստումները տվյալ պատգամավորների կողմից բարձրացվում և իրականացվում», - ավելացրեց նա:

«Իմ քվեն ուժ է» ֆլեշմոբը նույնպես ցանցի հերթական նախաձեռնություններից է, որն «Օքսֆամ» իրականացրել է Հայաստանի երիտասարդ կանանց ասոցիացիայի հետ: «Մասնակից-

ները՝ երիտասարդ կանայք և աղջիկներ, անցնում էին փողոցներով և տեղեկացնում բոլորին իրենց ընտրական իրավունքի մասին: Նրանք ցույց տվեցին անցողիկներին, որ յուրաքանչյուրի քվեն կարևոր է, յուրաքանչյուրի ձայնը՝ արժևորված»:

Իսկ ահա «Կովկաս» հասարակագիտական հետազոտությունների կենտրոնի և «ՊրոՄեդիա-Գենդեր» ԳԿ-ի հետ Քաղաքացիական հասարակության համագործակցության ցանցը ստորագրահավաք կազմակերպեց և իր կայքում բոլոր քաղաքական ուժերին ուղղված կոչ տեղադրեց, որպեսզի ընտրվելու դեպքում նրանք պահպանեն ցուցակներում ընդգրկված կանանց համամասնությունը խորհրդարանում, մեզեք Չիբչյանը:

Կանանց մուտքով է երկիրը փոխվելու

Լարիսա Ալավերդյան.

«Ոչ թե վիրավորվող, այլ մշտապես աշխարհը տեսակ են»



«Ինձ համար քաղաքական գործչի ամենակարևոր գիծն ազնվությունն ու նվիրվածությունը է ժողովրդի շահերին: Ոչ գիտելիք, ոչ ունակությունները, այդ ամենը ցանկության դեպքում կարվի, եթե մարդն ազնիվ նկատառումներով է մտնում քաղաքական դաշտ: Դրա համար էլ, ինչքան էլ խոսեն քաղաքականության մեջ պրագմատիզմի մասին, կարծում եմ՝ կասկածելի մեթոդներով սկսված գործը երբեք դրական արդյունքների չի հանգեցնի», - ասում է նախորդ գումարման ԳԿ Ազգային ժողովի «Ժառանգություն» խմբակցության անդամ, ԳԿ մարդու իրավունքների առաջին պաշտպան Լարիսա Ալավերդյանը, ում բացակայությանը մոր խորհրդարանում հասարակությունը մեծ փստասնքով է վերաբերվում:

Մեր այս դիտարկմանը ինքը՝ Ալավերդյանը, կես կատակ-կես լուրջ արձագանքում է՝ իմ օրինակով ընդամենն ապացուցեցի, որ հավերժ պատգամավորներ չեն լինում: Այսօր նա գլխավորում է մարդու իրավունքների պաշտպանության Մոնիթորինգի Բուս-հայկական (Սլավոնական) համալսարանում, ինչպես նաև շարունակում է իր գործունեությունը «Ընդդեմ իրավական կանայականության» ԳԿ-ում:

Ինչպես հայտնի է, Լարիսա Ալավերդյանը ընտրություններից հետո «Ժառանգության» թիմից հեռանալու որոշում կայացրեց:

«Ես հայտնել եմ իմ ընդհանուր անհամաձայնությունը այն սկզբունքին, որով ձևավորվել է ցուցակը... Ասել եմ, որ կմնամ թիմի հետ մինչև ընտրությունների ավարտը, իսկ հետո, ըստ օրենքի, կկողմնորոշվեմ», - նշում է նա՝ հիշեցնելով, որ ցուցակի 41-րդ տեղը ի սկզբանե ուղերձ էր հասարակությանը՝ իր սկզբունքային դիրքորոշման մասին:

Մասնավորապես, նա չէր թաքցնում, որ համաձայն չէր «Ազատ դեմոկրատների» հետ դաշինքին, քանի որ այն, նրա կարծիքով, հաջողություն չի բերի «Ժառանգությանը»: Ցավոք, այնպես ստացվեց, որ նա իրավացի էր: Այսօր էլ է նույն կարծիքին է, մտածում է, որ «Ժառանգությունը» պետք է շարունակի ժողովրդի շահերին պաշտպան կանգնելու իր որդեգրած ուղին և

խնդիր ունի կատարելու իր խոստումները: Մնացածը, իր խոսքով, տեխնոլոգիաներ են, որոնք անձամբ իր համար ի սկզբանե հասկանալի չէին:

«Հնարավոր է՝ «Ժառանգության» տեսակետից ամեն ինչ գրագետ էր, բայց ինձ համար ընկալելի չէր: Ուղղակի կցանկանամ, որ եթե կուսակցությունների անդամները ինչ-որ քայլ են անում, մտածեն ոչ թե այսօրվա, այլ՝ հինգ տարվա կտրվածքով», - մեզ Լ. Ալավերդյանը:

Մեր հարցին՝ արդյոք վիրավորվածություն չի՞ գզում, որ «Ժառանգության» ակտիվ պատգամավորները, այդ թվում՝ ինքը, չկան մոր գումարման խորհրդարանում, պատասխանում է. «Ոչ թե վիրավորվող, այլ մշտապես աշխատող տեսակ եմ»:

Անդրադառնալով կանանց մասնակցության խնդրին՝ Ալավերդյանը նկատում է, որ միայն կանանց զանգվածային ակտիվ մուտքը կարող է փոփոխություն բերել քաղաքական դաշտում.

- Չպետք է սպասել, որ երկիրը փոխվի, հավասար պայմաններ լինեն, ու կանայք մոր մտնեն ակտիվ քաղաքականության մեջ: Հենց կանանց մուտքով է երկիրը փոխվելու... - համոզմունք է հայտնում նա՝ նկատելով, որ ի դեմս կանանց հայ հասարակությունն այնպիսի ներուժ ունի, որին մենք անգամ չենք էլ մոտեցել:

Ձայն բազմաց

Ի՞նչ անել, որ «չվախենան կանանցից»

- Քվտաները ձևական բնույթ ունեն, դրանք պետք է լրացվեն հստակ մեխանիզմներով, որ կուսակցությունները ոչ թե բերանները փակելու համար ինչ-որ կանանց ընդգրկեն ու դուրս թողնեն, այլ իրոք իրենք էլ աճեցնեն կանանց կարգերը՝ հնարավորություն տալով նրանց դրսևորվելու: Չվախենան կանանցից... -

- Կարծում եմ՝ եթե քվտան գենդերային բալանսն ապահովելու առումով մեկ քայլ առաջ էր, ապա մանրատիպ հրաժարվելը՝ երկու քայլ հետ: Դա արդեն կախված է կին քաղաքական գործչի մտածելակերպից, և թե ինչու է նա հայտնվել ցուցակում: Չթե զուտ քվտան էր պատճառը, ապա իսկապես նրա դերն այդտեղից դուրս գալ է: Իսկ եթե նա իրոք վաստակել է իր տեղը ցուցակում, ապա, կարծում եմ, այդ կին գործիչը չի հրաժարվի իր մանդատից և կկարողանա այն բարձր պահել... -

- Անընդունելի է ոչ միայն կանանց հետ կապված, այլև ընդհանրապես այդ պրակտիկան, որ կուսակցապետները նախապես դիմումներ են վերցնում հրաժարականի մասին իրենց ցուցակներում ընդգրկված մարդկանցից, որ հաջողության դեպքում կարողանան առաջ բերել այլ մարդկանց և դարձնել նրանց պատգամավոր... Ընտրողները ձայն են տալիս ցուցակում առաջին տեղի թեկնածուների համար, բայց հետո վերջին տեղերում ընդգրկվածներն են դառնում պատգամավորներ: Չի կարելի ցուցակը ձևախեղել... -

- Երբեմն լինում են իրավիճակներ, որ մարդուն չես կարող մեղադրել՝ առողջական խնդիրներ և այլն, դա այլ խնդիր է: Բայց որ գոռով, ստիպելով... էլ ինչի՞ համար էին ցուցակը կազմելիս այդ մարդուն ներգրավում:

- Թաղային հեղինակություններ, ֆինանսական մեծ հոսքերի առկայություն, օրենքով չամրագրված տարբեր մեթոդների կիրառում՝ սրանք են տղամարդկանց կողմից թելադրվող խաղի կանոնները: Անգամ հնչող այն հարցադրումները, թե կանանց հետ ի՞նչ դեբատ անենք, ավելորդ անգամ ցույց են տալիս, որ նրանք ձևական են ընդունում կնոջ մասնակցությունը... -

- Աժ-ի մոր կազմում կանանց թիվն ավելի բարձր է, ուստի կարելի է ենթադրել, որ որոշակի առաջընթաց կա այս ոլորտում, որը, սակայն, դեռևս բավարար չէ: Կանանց ներկայացվածությունը ԱԺ-ում բարձրացնելու համար անհրաժեշտ է տարբեր ծրագրեր իրականացնել՝ խրախուսելով նրանց դերն ու մասնակցությունը, ինչպես նաև բերելով դրական փորձի օրինակներ, ինչը կխթանի կանանց մասնակցությունը քաղաքականությանը:

«Կանանց ձայնը և մասնակցությունը 2012-ի խորհրդարանական ընտրություններում» հետազոտությունից

Դիտորդ

...Թեկնածուների առաջադրման քվտային արդյունավետությունը պետք է վերանայվի, որպես ժամանակավոր հատուկ միջոց՝ կանանց թեկնածու լինելու իրավունքի և հնարավորության փաստացի հավասարությանը հասնելու նպատակով:

...Պետք է խրախուսել կուսակցություններին ունենալ գենդերային քաղաքականություն և հանրորեն տրամադրել իրենց անդամների գենդերային բաշխվածության վերաբերյալ տվյալները: Կարելի է քննարկել, որպեսզի կուսակցություններին պահանջ ներկայացվի իրենց ղեկավար կառավարման մարմիններում կանանց ներկայացվածությունն ապահովել և թեկնածուներ ընտրելու ավելի թափանցիկ ու ժողովրդավարական եղանակներ ունենալ:

ԵՄԳԿ/ԺՅԻԳ դիտորդական առաքելության վերջնական զեկույցից

Լիլիթ Գալստյան.

«Կիրթ կինն ունակ չէ խաղալու առկա քաղաքական խաղի կանոններով»

«Ցավոք, Հայաստանը լրջագույնս հեռու է ժողովրդավարական երկրի մոդելից: Այս պայմաններում խոսել կանանց խորհրդարանում հայտնվելու առողջ մեխանիզմների, քարոզարշավի, ներկուսակցական դեմոկրատիայի մասին, անկեղծ ասած, հեքիաթի շարքից է», - նման կարծիք հայտնեց ԳԿ անդամ, Աժ նախկին պատգամավոր Լիլիթ Գալստյանը:

- Երիտ է, կնոջ ներկայացվածությունը կուսակցություններն ապահովեցին՝ յուրաքանչյուր 6-րդը, բայց բացարձակապես զաղտնիք չի, թե ինչ սկզբունքներով Հայաստանում ձևավորվեցին կուսակցությունների ցուցակները... Եթե կուսակցություններն ունենային ներքին դեմոկրատիա, ապա հնարավոր չէր լինի, որ

կնոջը ցուցակ բերած կուսակցությունը ինչ-որ պահի նրան հեշտությամբ հետ մղեր: Նորմալ կինը, քաղաքակիրթ, ժողովրդավարական չափանիշներով մտածող կինն ունակ չէ խաղալու առկա քաղաքական խաղի կանոններով... -

Պատասխանելով այն հարցին՝ արդյոք ավաճող վերաբերում է իր իսկ կուսակցությանը, Գալստյանը պնդեց, որ իր կուսակցությունում ներքին դեմոկրատիա կա, և կուսակցական ցուցակում կանայք զգալի թիվ էին կազմում (32%): Դրա հետ մեկտեղ նա չի կարող դրական գնահատել այն փաստը, որ այս ընտրությունների արդյունքներով Դաշնակցությունն իր պատմության մեջ առաջին անգամ խորհրդարան մտավ առանց կին պատգամավորների: «Բայց ունենք այն, ինչ ունենք», - եզրափակեց նախկին պատգամավորը...





### Խորհրդարանի նոր դեմքերը

Ինչո՞ւ են կանայք խորհրդարան գալիս: WomenNet.am-ի այս հարցադրմանն են պատասխանում Աժ նորընտիր պատգամավորները: Հարցազրույցներն ամբողջությամբ կարելի է կարդալ <http://womennet.am/> կայքում:

### Արփինե Նովհաննիսյան.

## «Ուզում եմ ասել իմ՝ որպես մասնագետի խոսքը»



Նորընտիր Ազգային ժողովի ՀՀԿ խմբակցության պատգամավոր Արփինե Նովհաննիսյանը դասավանդում է ԵՊՀ քաղաքացիական իրավունքի ամբիոնում, իրավագիտության թեկնածու է: Ուսանելու տարիներից սկսած միշտ գուցա հեռ աշխատել է պետական համակարգում՝ ՀՀ արդարադատության նախարարությունում, ՀՀ նախագահի աշխատակազմում, որից հետո՝ ՀՀ ԱԺ-ում՝ որպես ՀՀ ԱԺ նախագահի խորհրդակց:

- Ընդհանրապես կյանքում հեղափոխական գարգացումներ չեն սիրում, էվոլյուցիոն ճանապարհի կողմնակիցն եմ: Ինձ մոտ միշտ է այդպես եղել. քայլ առ քայլ, ամեն անգամ աստիճանաբար է հատուցել գաղափարը, որ կարող եմ ավելին անել: Իմ մուտքն էլ քաղաքականություն բնականոն ու օրինաչափ գարգացման արդյունք էր: Ուզում եմ քաղաքականության մեջ ասել իմ՝ որպես մասնագետի խոսքը, ուզում եմ այն գիտելիքները, որ ձեռք եմ բերել և դեռ պետք

է ձեռք բերեն, ծառայեցնել համուն ՀՀ ժողովրդի: Ցանկացած գործի մոտենում եմ մեծ մվիրունով, նույնիսկ ամենափոքր խնդիրը փորձում եմ լուծել այնպես, կարծես դա իմ վերջին հարցն է:

Ինչ վերաբերում է կանանց նկատմամբ խտրականության դրսևորումներին, ապա կարտաքին բնույթի խտրականություն և հենց կանանց ներսում եղած ինքնասահմանափակում:

Երբ կինն ինքն իրեն չի պատկերացնում հասարակական գործընթացներում և կարիերայի աճի չի ձգտում, բնականաբար, նման ինքնասահմանափակումը պետք է հանգեցնի նաև արտաքին խտրականության, այսպես կոչված «ապակե առաստաղի», եթե զենդերային եզրույթներով խոսենք: Որոշակի առումներով բոլոր կանայք էլ բախվում են խտրականության, սակայն կարծում եմ՝ յուրաքանչյուրը պետք է իր ներսում հաղթահարի այդ բարդույթները, որից հետո միայն կկարողանա հաղթահարել արտաքին խոչընդոտները...

### 24 ամբիոն

## «Ընտրությունների գործող համակարգում ինտելեկտուալ կնոջ համար տեղ չկա»



- Ասեմ, որ ինձ շատ վշտացրեց այն փաստը, որ պատգամավորի դերում իրենց լավագույնս դրսևորած կանայք ներկայացված չեն լինելու նոր գումարման Ազգային ժողովում՝ «ժառանգությունից» Անահիտ Բախչյանը և Լարիսա Ալավերդյանը, Դաշնակցությունից Լիլիթ Գալստյանը, որոնք զոնե ինձ համար անհասկանալի պատճառներով հայտնվեցին ոչ անցողիկ տեղերում: Այս կանանց ծայր միշտ լսելի է եղել խորհրդարանում, նրանք միշտ ներկայացրել և առաջ են տարել հասարակության շահերը, բարձրացրել են հրատապ լուծումներ պահանջող հարցեր: Ակամայից սկսում ես մտածել, որ զուցե հենց այս ակտիվությունը նրանց վատ ծառայություն մատուցեց, զուցե նրանք այնքան ինքնուրույնություն և համառություն ցուցաբերեցին, որ դրանով իսկ ստվերում թողեցին իրենց տղամարդ գործընկերներին: Ամեն դեպքում կորուստը հասարակության համար ակնհայտ է: Ինչ վերաբերում է մեծամասնական ընտրատարածքներին, ապա եթե վերլուծենք, թե ում են յուրաքանչյուր դեպքում պարտվել կանայք, ապա հերթական անգամ ակնհայտ է դառնում, որ մենք իջել ենք այնպիսի մի մակարդակի, ուր որոշիչ են միայն փողը ու բիրտ ուժը: Եվ այս առումով ընտրությունները հանդիսանում են մեր հասարակության բարոյական և ինտելեկտուալ մակարդակի ցուցանիշ: Պարզից էլ պարզ է, որ նման համակարգում ինտելեկտուալ կնոջ համար տեղ չկա:

**Կարինե Դանիելյան,**  
«Համուն կայուն մարդկային գարգացման» ասոցիացիայի նախագահ

### «Ամեն ինչի հիմքը տնտեսությունն է»



- Դժվար է խոսել վեճ գաղափարների մասին, ինչպիսին ժողովրդավարությունն է, և փորձել այն ինչ-որ մեկին պարտադրել,

եթե կան սոցիալ-տնտեսական լուրջ խնդիրներ, եթե տնտեսական ոլորտում կանայք գոնե փոքր, բայց հաջողություններ չունեն, և ժողովուրդն ինքը չի զգում դա: Կանանց տնտեսական բարձր մասնակցությունը հաստատ կարող է բերել նրանց քաղաքական մասնակցության:

Ինչ վերաբերում է քվոտային, ապա այն հարկադրական մի մեխանիզմ է, բայց բոլորս էլ գիտենք, որ հայ ժողովուրդը, լինելով շատ հնարամիտ, գտնում է մեխանիզմները շրջանցելու հնարավորություն: Թեպետ համաձայնական ցուցակում, ըստ օրենքի, կին թեկնածուները որոշակի տեղ են զբաղեցնում, բայց արդյունքում, ինչ-ինչ պատճառներով, նրանք կարող են չհայտնվել ԱԺ-ում, ինչը դարձյալ եղավ: Գուցե պետք է քվոտայի մեխանիզմը այլ կերպ ձևակերպել՝ ոչ թե ցուցակներում, այլ արդյունքում ունենանք այդքան թվով կանայք: Հէ՞ որ կարևորը արդյունքն է, ոչ թե գործընթացը:

**Լիլիթ Ասատրյան,**  
Հայաստանի երիտասարդ կանանց ասոցիացիայի նախագահ

Համարի վրա աշխատել են՝  
Լիլիթ Քոչինյանը, Հասմիկ Հարությունյանը, Մարիամ Մուղղայանը

**OXFAM**  
Հատուկ թողարկումը պատրաստվել է O2USՆԱԿ հայաստանյան մասնաճյուղի աջակցությամբ  
Գլխ. խմբագիր՝ Թամարա Դովմաթանյան  
Էլ. հասցե՝ [promediagender\\_arm@yahoo.com](mailto:promediagender_arm@yahoo.com)

### Լյուդմիլա Մարգարյան.

## «Ուզում եմ, որ քաղաքականությունն ավելի բարոյական լինի»

«Եկել եմ քաղաքականություն, որովհետև ուզում եմ, որ այն ավելի մարդկային կերպարանով, ավելի բարոյական լինի: Արդենք մի երկրում, որտեղ Սահմանադրությունն օրենք է բոլորի համար, երկիր, որտեղ օրենքը պաշտպանի մարդուն: Ուզում եմ, որ քաղաքացին պահանջատեր լինի ու հետևողական իր պահանջատիրությանը, հասկանա, որ յուրաքանչյուր մարդ ավելի մեծ արժեք ունի, քան եկող ու զնացող իշխանությունները»,- այսպես է պատկերացնում իր անելիքը քաղաքական դաշտում Հայ ազգային կոնգրեսի անդամ, Հայաստանի Սոցիալ-դեմոկրատ հնչակյան կուսակցության ատենապետ Լյուդմիլա Մարգարյանը:

- Չեմ կարծում, թե քաղաքականությանը զբաղվելու համար շարժառիթի անհրաժեշտություն կա: Մարդը կամ մտածող է, կամ ոչ, մտահոգ է, կամ՝ ոչ: Երբեք ինձ քաղաքական գործընթացներից դուրս չեմ համարել, որովհետև ինձ մշտապես մտահոգել է այն, ինչ կատարվում է երկրում: Եվ, բնական է, այդ մտահոգությունները ստիպել են կողմնորոշվել՝ լինել ուղղակի քաղաքացի՝ ով դիտորդի կարգավիճակում է, թե՞ քաղաքացի, ով ցանկանում է գործընթացների վրա ազդելու հնարավորություն ունենալ և այս երկրում ինչ-որ բարեփոխման գործընթացի մասնակցել: Այդ ամենը մեզանից յուրաքանչյուրն անում է զավակների, սերնդի համար և եթե ինչ-որ հարցում թերանում է կամ

անտարբեր է, ապա դա անտարբերություն է սեփական երկրի, ժողովրդի, սեփական զավակի նկատմամբ:

Թեև խաղի կանոնները սահմանում են տղամարդիկ, և կանանց համար մի փոքր դժվար է խաղալ այդ կանոններով, սակայն այն կանայք, ովքեր փորձ են անում «դուրս գալ իրենց խոհանոցներից» և նպատակաուղղված առաջ են գնում, շատ բաների են հասնում:

Իմ գնահատմամբ՝ ամբողջ 131 պատգամավորի մեջ, ես էլ ներառյալ, հիմա կին կա, ովքեր փորձում են ներազդել քաղաքական գործընթացների վրա: Մյուսները պետք է կողմնորոշվեն՝ «անգլիական թագուհի» են, թե՞ ոչ...



### Գիրքորոշում

## «Մենք հեջարը ներքուսր ենք կրում»...



Նվարդ Մամայանը պատգամավորության թեկնածուներից երկրի թե միակն էր, որ ոչ միայն չէր խուսափում «Ֆեմինիզմ» բառն արտասանելուց, այլև իրեն այդ գաղափարախոսության ջատագովն է համարում: Գուցե զարմանալի թվալ այդ հանգամանքը, բայց մեզանում նույնիսկ կանանց իրավունքների պաշտպանությանը անմիջականորեն զբաղվող շատ կանայք կարծես թե վախենում են իրենց ֆեմինիստ անվանելուց...

Խորհրդարանական ընտրություններում Նվարդ Մամայանը ընդգրկվել էր ՀՀԿ համամասնական ցուցակում: Նա զենդերային անհավասարակշռության հարցերով բավական երկար ժամանակ և լրջորեն է զբաղվում: Դասավանդելով երևանի պետական լեզվաբանական համալսարանի կրթության կառավարման ամբիոնում՝ համարում է, որ զենդերային գիտելիքները խիստ անհրաժեշտ են այն մասնագետներին, ովքեր վաղը ստանձնելու են այդ ոլորտի կառավարումը:

- Գիտեք, ես կցանկանայի հեջար հագնել, քան հասկանալ, որ ներքուստ ենք կրում անտեսանելի այդ հեջարը: Գուցե եթե այդ հեջարը հագնեի, ավելի շուտ կհասկանայի, որ անհավասար եմ ու ամեն օր կպայքարեի այդ անհավասարությունը չտեղծելու համար: Ինձ թվում է՝ եթե կարճ կամ բաց զգեստ եմ հագնում, եթե երեկոյան փողոց եմ դուրս գալիս, ապա ազատ եմ: Բայց իրականում ազատ չեմ, ամենահանգրվածային տեղերում իմ ազատությունը միանգամից կապվում է: Երբ ամուսնանում եմ, իմ ամուսինն ու սկեսուրը կարող են տնօրինել իմ ճակատագիրը, սահմանափակել ծնողներիս տուն այցելությունը, որոշել իմ փոխարեն՝ աշխատե՞մ, թե՞ ոչ, երեխա ունենա՞մ, թե՞ ոչ, քա-

նի՞սը, ի՞նչ սեռի ու ինչպե՞ս դաստիարակեմ...

Սահմանադրությամբ հավասար երկրում ենք, բայց արդյոք կանայք յուրաքանչյուր են դրան ճանաչվում: Տվեք ինձ աշխարհի լավագույն օրենքները, ես կշարունակեմ նույն ստույգ մնալ: Մենք կրթական համակարգում այս հարցը դնելու խնդիր ունենք: Այն ուսուցիչները, ովքեր ամեն անգամ աղջկան վստահություն չեն տալիս, պետք է հասկանան, որ կոտրում են ապագա կնոջը, սահմանափակում նրա ազատությունը նույնիսկ մասնագիտություն ընտրելու հարցում: Եթե դպրոցում աղջիկներին ասում ենք՝ դու սա չես կարող, նա չես կարող, ապա 25 տարեկանում կինն արդեն վստահ է, որ ոչինչ չի կարող անել... Մեղիաբար քաղաքականությունն էլ իր հերթին կնոջը նեղ դեռ է տալիս՝ նա պետք է միշտ լինի կիսամերկ, գեղեցիկ և երիտասարդ: Բայց, պարզվում է, կանայք նաև տղամարդկանց հավասար ծերանում են...

Որպես կին՝ խտրականությունը զգում ես ծնված օրվանից ոչ միայն Հայաստանում, այլև ամենուր, դու պետք է անընդհատ ինքնահաստատվես: Հայ հասարակության մեջ շատ են տարածված խոսակցությունները, իբր քաղաքականությունը, հանրային կյանքը կնոջ տեղը չեն: Նման բաները երբեմն թափանցում են նաև կուսակցություն: Չափազանց դժվար է անհատականությունը պահելը, հավասար պայմաններում գտնվելը...

Պատկերացումից, որ մի օր կին նախագահ, կին վարչապետ կունենանք, խորհրդարանում հավասար ներկայացվածության կհասնենք, դեռևս շատ հեռու ենք: Այնպես որ, ընտրական ցուցակներում գեներային քվոտավորումը լավ կյանքից չի առաջացել...

Հասարակության 50%-ը չի մասնակցում որոշումների կայացմանը և քննարկումներին: 50%-ով աղքատ ենք: 50%-ին քաղաքականապես ստերիլիզացրել ենք, ասել ենք՝ գնա խոհանոց, մեռիր ննջարանում, 40-ից հետո էլ կյանք չունեն: Ինչո՞ւ ենք զարմանում, որ ամենաաղքատ ազգերի շարքում ենք հայտնվել: Կինը հարստություն, սոցիալական արդարություն, բազմազանություն կերելի, որովհետև մի կողմի տեսանկյունը չի կարող միշտ իրավացի լինել...